


PEDI - "Who will deliver me?"

KE MANG YO A TLA GO NTOKOLLA ?

Ka Sontaga ye nngwe ke be ke bolela Ebangedi ye makatšang motseng wa kgoši ye nngwe kwa nageng ya Lesotho. Lešaba le lentši, gammogo le kgoši ie mohumagadi wa gagwe, ba ile ba kgobokana go theeletša Lentšu la Modimo. Lentšu le le phelang, le le nang le maatla le bogale go fetiša tšhoša e louditšweng ka magale a mabedi, la hlabane gare ga dipelo tša batho.

Ge ke sa ntše ke ruta, mosadi wa kgoši ye kgolo, kgošigadi, a thoma go lla ga bohloko. Ka megokgo ye e elelang mo marameng a gagwe, a ema a goeletša, "Ke mang yo a tlo go ntokolla? Nthušeng hle, pelo ya ka e bohloko, ke motho yo a leng manyaming le ditlalelong. Ke mang yo a ka nthušang? Ke mang yo a ka ntokollang mo ditlamong tše šiišang tša sebe? Ke swanetše go dirang? Le a ntseba ka moka, ke nna mosadi wa kgoši gape e bile ke nna yo mongwe wa basadi ba merapelo.

KE MANG YO A TLA GO NTOKOLLA?



Yo a dirang sebe ke wa Sathane. I John 3:8.

Ke tsene kereke mengwaga e ka bang ye masome-pedi, eupša dilo tše ka moka ga di a nthuša. ga di kgone go ntokolla, sebe se mprofile. Ke nna monwi le mmolai. Diatla tša ka di tšhilafetše, ke tše mpe ka gobane di tlaaeditswe go dira bjälwa — seno sela se rogakilweng! Sebe se mprofile matsogo le maoto, ke nna lekgoba la helle!”

O ile a lla gape ga bohloko, gomme a dula fase a hlaba mokgoši: Nthušeng! Nthušeng! Ke mang yo a ka ntokollang? Ke mang yo a tla ntokollang mo ditlamong tša sebe? Ke rata Modimo, eupša sebe se a mpuša, sebe se nkgogela fase helleng. Ke bolaile leitšibolo la ka la mošimanyana, ke be ke tagilwe ge ke mo popula, gomme ge ke sa tagilwe ka mokgwa woo, ka phsikologa fase gomme ka thuba hlogo ya ngwana wa ka yo botse wa mošimanyana, gomme a hwa. Nthušeng hle, ntokolleng mo lehung le! Boheteng ga bo a nthuša selo. Bodumedi ga bo a nthuša selo. Ke mang yo a ka nthušang, Ke mang yo a ka ntokollang?”

Ke ile ka araba ka ré: “Khutšo a e be le wena, o se ke wa hloboga. Matshwenyego a gago ke matshwenyego a mang le mang. Buka ya Modimo, Bible, e fa sello sa pelo ya gago karabo. Baroma 7:15-25, e re botša ka fao sebe se re bušang, e re botša gape ka Eo a ka re phološang.”

Gobane ke a tseba gore mo go nna (e lego nameng ya ka) ga go dule tše di lokileng, ke rata go dira botse, eupša ga ke na maatla a go bo dira. Botse bjoo ke ratang go bo dira, ga ke bo dire, eupša bobo bjoo ke bo hloileng, gomme ke sa rateng go bo dira, ke bjona ke bo dirang. Sebe seo se leng mo go nna, se nkgapeletša go dira bobo ka mehla, gomme botse bjoo ke ratang go bo dira, ga ke bo dire. Ke thaba mo molaong wa Modimo, ka go ya ka motho wa ka teng, eupša go na le molao o mongwe o leng mo dithong tsa ka, wo o lwang le molao wa monagano wa ka, wo o ntlišang bothopjeng, molaong wa sebe. E seng kgale sello se se tla tla pelong ya e mongwe le e mongwe. “Jo, nna motho wa madimabe! Ke mang yo a tla go ntokolla?”

Ge re llela go Modimo O tla re fa karabo gomme a re lokolla.

KARABO


“Ke leboga Modimo ka Kriste Jesu” Baroma 7:25. *Ge Morwa a le lokolla, le tla ba ba ba lokologileng ka botlalo*” John 8:36.

Jesu ke karabo ya dipotšišo tša rena ka moka: Karabo ya potšišo ya gago. Ga go phološo leineng le lengwe, eupša e leineng la Jesu, leo ka lona re phološwang. Ditiro 4:12. Ke Jesu feela yo a ka re phološang dibeng tša rena. Ke madi a Gagwe feela ao a faletšeng sefapanong ao a ka re hlatswang dibeng tšohle. Ga go ngaka, ga go sehlare, ga go radithebele, ga go motho, ga go mmoledi goba moruti, ga go kereke ye e ka re phološang sebeng. Ke Jesu feela, kwana ya Modimo yo a tlošang dibe tša lefāse, yo a ka go go phološa ka madi a Gagwe le ka maatla a Moya wa Gagwe.

Jesu, Morwa wa Modimo o tlele lefaseng le go budulla mahlo a difo-fu, go lokolla ba ba tlemilwego le go ntšha ba ba dutšego leswiswing kgolegong. Isaiah 42:6, 7. Jesu o itše: Yo a dirang sebe ke mohlanka wa sebe, eupša ge Morwa (wa Modimo) a ka go lokolla, o tla ba o lokolo-tšwe ka nnete. Johane 8:34-36 Jesu ke therešo ye e lokollang.

Jesu Morwa wa Modimo o rwele dibe tša rena ka moka mmeleng wa Gagwe a ya natšo sefapanong. Dibe tša lena tšohle di kokotetšwe sefapanong. “Ka nnete o rwele mahloko a rena le manyami a rena.

KE LEBOGA MODIMO KA JESU KRISTE



Yoo Morwa (Jesu) a mo lokollang, o tla lokollwa ka nnete (Johane 8:36).

O ntšhitšwe dintho ka baka la makgopo a rena, dikotlo tša khutšo ya rena di be di le godimo ga Gagwe, gomme ka megogoma ya gagwe re a fodišwa. Isaiah 53:3-7.

Barabbas e be e le modiradibe le mmolai yo a beng a ahloletšwe lehu. O be a swanetše go bapolwa, eupša Jesu a tšea sebaka sa gagwe a rwala sefapano seo Barabbas a beng a swanetše go hwa go sona. Jesu, Morwa wa Modimo, O bapotšwe sebakeng sa Barabbas, sebakeng sa ka le sebakeng sa gago, mmolai o ile a lokollwa ka gobane yo mongwe a mo hwetše. Nna le wena re Barabbas yoo.

Mopotso wa sebe ke lehu, eupša neo ya Modimo ke bophelo bjo bo sa feleng ka Jesu Kriste. Ge o lebelela ka tumelo sefapanong sa Kriste o tla ipona le sebe sa gago se kokotetšwe sefapanong. Jesu o tšere sebaka sa gago sefapanong gore wena o phele go ya go sa feleng. O tšholotše

madi a Gagwe ka baka la dibe tša gago. Gobane Modimo o go ratile ga kaakang, A ba a go nea Morwa wa Gagwe a nnoši, gore o seke wa timela, eupša o be le bophelo bjo bo sa feleng.

Ge mosadi wa kgoši a kwile mantšu ao ka moka, a dumela ka kgothe go Jesu, a neela pelo ya Gagwe go Yena Yo a mo hwetšeng sefapanong, A tšholla madi a Gagwe a bohlokwa go hlatswa pelo ya gagwe dibeng ka moka. O neetše pelo ya gagwe ya dibe go Modimo, gomme Modimo a mo fa pelo ye mphsa a mo tlatša ka moya wa Gagwe o mokgethwa. Ga se a mo lebalela dibe tša gagwe feela, eupša o mo lokolotše maatleng a mmušo wa sebe.

Mengwaga e mentši go tloga fao, o phetše bophelo bjo bo botse, bja phenyo, bophelo bjo bo hlwekileng. Ga a sa nwa bjälwa, ga a sa taga motsoko, le ga e le fola, o phela bophelo bjo bo hlwekileng gomme ke paki e tiileng ya therešo ya gore yo a leng go Kriste ke sehopja se seswa;“Tša kgale di fetile, bona tšohle ke tše mphsa” II Cor. 5:17.

Le wena mmadi yo a rategang, o ka lokollwa ka tumelo go Jesu Kriste. Jesu o itše: Tlang go Nna lena bohle ba le lapileng, le imetšweng, ke tla le fa khutšo. Etlä go Jesu o le ka tsela yona yeo o leng ka yona, goba moo o leng gona. Mmotše tšohle ka dibe le matshwenyego a gago. A ka se ke a go leleka, ge o etla ka boikokobetšo le ka pelo e dumelang. Mohlomong o setho sa kgale sa kereke, eupša o bofilwe ke sebe. Etlä go Jesu, o tla go lokolla ka pela, ka tsela e swanang le yeo a fodišitšeng molephera ka gona le go fodiša sefofu. Jesu o sa swana, gomme a ka fodiša pelo ye e robegileng a lokolla mogolegwa. O lebalela dibe tša rena TŠOHLE a fodiša malwetši a rena OHLE. Ps. 103:3.

Ge o neetše pelo ya gago go Jesu, botša ba bangwe ka yo a go lokolotšeng. Le rena re rata go kwa bo lena.

J. R. Gschwend

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)